



Skútustaðahreppur
Þorsteinn Gunnarsson sveitarstjóri
Hlíðavegi 6
660 Mývatn

SAMGÖNGU- OG
SVEITARSTJÓRNARRÁÐUNEYTIÐ

Sölvhólsgrötu 7 101 Reykjavík
sími: 545 8200 postur@srn.is srn.is


Reykjavík 15. október 2018
Tilv.: SRN18100027/4.10.1


Ráðuneytið hefur staðfest meðfylgjandi samþykkt um breytingu á samþykkt um stjórn sveitarfélagsins Skútustaðahrepps sbr. erindi yðar dags. 1. október 2018.

Samþykktin verður send til birtingar í B-deild Stjórnartíðinda.

Þá er vakin athygli á að reikningur vegna birtingar samþykktarinnar og viðaukans í B-deild Stjórnartíðinda verður sendur sveitarfélaginu frá Fjársýslu ríkisins þar sem milligöngu Jöfnunarsjóðs sveitarfélaga um greiðslu reikninga vegna birtinga hefur verið hætt.

Fyrir hönd ráðherra


Hermann Sæmundsson


Stefanía Traustadóttir

Fylgiskj.: Staðfest samþykkt umbreytingu á samþykkt um stjórn Skútustaðahrepps.



SAMÞYKKT

um breytingu á samþykkt um stjórn sveitarfélagsins
Skútustaðahrepps nr. 690/2013.

1. gr.

1. mgr. 8. gr. samþykktarinnar verður svohljóðandi:
Sveitarstjórn Skútustaðahrepps heldur almennt reglulega fundi sveitarstjórnar á skrifstofu sveitarfélagsins annan og fjórða hvern miðvikudag í mánuði.

2. gr.

39. gr. samþykktarinnar verður svohljóðandi:

Fastanefndir, aðrar nefndir, stjórnir og ráð sem sveitarfélagið á aðild að.

Sveitarstjórnin kýs fulltrúa í eftirtaldar nefndir, ráð, stjórnir og embætti:

A. Fulltrúar kjörnir til fjögurra ára í fastanefndir á fyrsta eða öðrum fundi að afloknum sveitarstjórnarkosningum.

1. *Skóla- og félagsmálanefnd.* Fimm aðalmenn og jafnmargir til vara. Hlutverk nefndarinnar er að fara með málefni grunn-, leik- og tónlistarskóla, fullorðinsfræðslu, skóla- og félagsþjónustu og málefni fatlaðs fólks skv. erindisbréfi.
2. *Velferðar- og menningarmálanefnd.* Fimm aðalmenn og jafnmargir til vara. Hlutverk nefndarinnar er að fjalla um jafnréttismál, heilsueflandi samfélag, íþrótt- og æskulýðsstarfsemi, menningarmál, forvarnarmál, félagsstarf eldri borgara og málefni nýrra íbúa í sveitarfélaginu skv. erindisbréfi.
3. *Skipulagsnefnd.* Fimm aðalmenn og jafnmargir til vara. Hlutverk nefndarinnar er að fjalla um skipulags- og samgöngumál skv. erindisbréfi.
4. *Umhverfisnefnd.* Fimm aðalmenn og jafnmargir til vara. Hlutverk nefndarinnar er að fjalla um umhverfis- og sorpmál skv. erindisbréfi.
5. *Atvinnumála- og framkvæmdanefnd.* Fimm aðalmenn og jafnmargir til vara. Hlutverk nefndarinnar er að fjalla um atvinnumál, atvinnuþróun og framkvæmdir á vegum sveitarfélagsins og í sveitarfélaginu o.fl. skv. erindisbréfi.
6. *Landbúnaðar- og girðinganefnd.* Þrír aðalmenn og jafnmargir til vara. Hlutverk nefndarinnar er að fjalla um málefni landbúnaðarins, fjallskil, búfjárefirlit og búfjargirðingar skv. erindisbréfi.
7. *Kjörstjórn við sveitarstjórnar- og alþingiskosningar.* Þrír aðalmenn og jafnmargir til vara.
8. *Fjallskilastjóri.* Einn.
9. *Grenjaskyttur.* Tvær.

B. Fulltrúar kjörnir til fjögurra ára í sameiginlegar fastanefndir og sameiginlegir fulltrúar með öðrum sveitarfélögum í fastanefndum, kjörnir eftir samkomulag um tilnefningu.

Kjör á fyrsta eða öðrum fundi að afloknum sveitarstjórnarkosningum:

1. *Brunavarnanefnd með Þingeyjarsveit.* Einn aðalmaður og einn til vara.
2. *Fulltrúaráð Héraðsnefndar Þingeyinga.* Tveir aðalmenn og tveir til vara.
3. *Stjórn Hvamms, dvalarheimilis aldraðra.* Einn aðalmaður og einn til vara.
4. *Menningarmiðstöð Þingeyinga.* Einn aðalmaður og einn til vara.
5. *Atvinnuþróunarfélag Þingeyinga.* Einn aðalmaður og einn til vara.
6. *Náttúruverndarnefnd Þingeyinga.* Einn aðalmaður og einn til vara.
7. *Náttúrustofa Norðausturlands.* Einn aðalmaður og einn til vara.

C. Kjörnir til fjögurra ára á fyrsta eða öðrum fundi að afloknum sveitarstjórnarkosningum.

1. *Aðalfundur Eyþings.* Tveir aðalmenn og jafnmargir til vara.
2. *Landþing Sambands íslenskra sveitarfélaga.* Einn aðalmaður og einn til vara.

D. Tilnefningar.

1. *Svæðisráð norðursvæðis Vatnajökulshjódgarðs.* Einn aðalmaður.
Sveitarstjórn fer með verkefni annarra lögbundinna nefnda en framangreindra.

Kjörtímabil fulltrúa Skútustaðahrepps í fastanefndum, er hið sama og sveitarstjórnarinnar, nema annað sé ákveðið í lögum eða samþykktum. Að loknum sveitarstjórnarkosningum halda fastanefndir þó umboði sínu þar til nýkjörin sveitarstjórn hefur kjörið nýja nefnd í þeirra stað, en með sömu takmörkunum valdheimilda og fyrri sveitarstjórn sætti að afloknum kosningum, sbr. 6. gr. samþykktar þessarar.


3. gr.

Gildistaka

Samþykkt þessi sem sveitarstjórn Skútustaðahrepps hefur sett skv. 9. gr. sveitarstjórnarlaga nr. 138/2011 staðfestist hér til að öðlast þegar gildi.

Samgöngu- og sveitarstjórnarráðuneytinu 16. október 2018.

F. h. r.



Hermann Sæmundsson

Stefanía Traustadóttir